

Prophéties par l'astrolo- gué du tres chrestien Roy de France & de Madame la Duchesse
de Sasuoye, dédiées à la puissance Diuine, / & à la nation François. caeca licet fuerint
afrorum arcana, refuluo. Haec mihi Noftradamo clara Diana dédit.

A LYON, Par François Arnoullet 1572. Auec priuilege du Roy.

In-8 de 16 ff.n.ch.

B.LYON : RES 363 862/ Notice nfi : FRBNF37303899

BENAZRA Pag 102 / CHOMARAT 124



TEMPVS EGO FIMENSVM
SPATIS DIMETIOR
ORBEM.

Propheties par l'astrolo-
gue du treschrestien Roy de France
& de Madame la Duchesse de Sa-
uoye, dediees à la puissance Diuine,
& à la nation Françoisse.

*Cæca licet fuerint astrorum arcana, resoluo.
Hæc mihi Nostradamo clara Diana dedit.*



A L Y O N,
Par François Arnoullet.

1 5 7 2.

Avec privilege du Roy.

Extraict du Priuilege du Roy.

IL est permis à François Arnoullet marchand libraire de Lyō, par trāsport à luy fait le 24. de Mars, 1572. par M. Anthoine Crespin Nostradamus docteur, conseiller medecin & Astrologue ordinaire du treschrestié Roy de France & de Madame la duchesse de Sauoye, d'imprimer & mettre en vête certaines profecies dattees de l'an 1569. dediees à la puissance diuine & à la nation Francoyse. Avec intimation & deffense à tous Imprimeurs & autres de ce Royaume de ne les imprimer, ou mettre en vente en quelque forte que ce soit, sans exprés congé dudit auteur, seur la peine de mille liures, & de punition corporelle: Car tel est le plaisir de sa maiesté. Non obstant tous edits, mandemens, restrictions, deffenses & lettres à ce contraires. Et ledict Priuilege & profecies ont esté veux & signés par Monsieur de Mandelot gouverneur & lieutenant general pour sa Maiesté à Lyon & par Monsieur le vicaire general de l'Archeuesque de Lyon: lesquels ont obey aux commandemens & vouloir du Roy.

EPISTRE DEDIEE A LA
puissance Diuine, & à la nation Fran-
çoise, luyuant vne prophetie com-
posée par M. Antoyne Crespin No-
stradamus, docteur, conseiller, mede-
cin & astrologue ordinaire du tref-
chrestien Roy de France, & de mada-
me la duchesse de Sauoye &c. Et au-
tres choses bonnes & vtils pour vn
chacun.



*Honneur & gloire en tout lieu à l'admi-
rable puissance de la maiesté de Dieu,
Aussi à la nation de France en iceluy
Salut, & paix par l'astrologue du Roy
chrestien, & de la duchesse de Sauoye tout oren-
droit soit à iamais. d'Europe apres auoir hâté, nous
passant maintes prouinces, par la Dieu grace &
volonté subiettes à diuers princes, par là le discours
auons veu des planetes & signes cœlestes qui y do-
minēt, aussi recogneu comment tout à point iusques
aux bestes donnent naturelle influxion aux habi-
tans, de telle sorte qu'ils les enclinēt par cōclusion se-
con que leur vertu apporte, à mal ou bien, par le*
A 2 hault

hau't destin: Parquoy si est ce que ie en dis reserua
l'honneur diuin & du Roy auquel i' obeis d'humble
cœur, combien que dauantage d'honneur i' aye eu e
terre estrange, qu'en icelles. Dont si i' ay gaige, que
aucun ne dira au contrechange, par ce que en Fran
ce on ne voit pas comme en regions autres sembla
bles faire esfors ny cruelz trespass. Car francs Ga
lois sont amyables, d'humeur diuers à toute autre
bande, soit d'Italie ou d'Espaigne, ou de la nation
Alemande. Mon aduis raison accompagne: car de
Turquie les habitants que lon appelle Asie mineur
selon leur nature en tout temps, de leur grand Roy
& Seigneur ont brief ordre de iustice, sans trop de
charge comme on veoit, & entr'eux paix par telle
police. Dont par tout se crye à bon droit, Vive en
default du lys, le lyon. Car Iupiter à la Gaule don
ne, qui rend bons par influxion les abitans de la
chemine. Saturne en Italie regne, son influxion lui
donnant ainsi qu'apporte son enseigne, & Mars
cruel par consequent s'estend sur l'Asie mineur, le
où sont habitans belliqueux, ainsi que destine son
heur. Sur Alemaigne dirons mieux, son siege rien
le scorpion, qui rend subtil & aguisez Aleman
par influxion. Aussi sont d'autre sorte & guise
les habitans d'Espaigne, en somme par influxion de
Mars & Mercure qui y regnent. Mais cy se con
somme nostre parler sans autre cure des choses que

299

viendroyent mille à reciter en cest endroit. Donné
sur le mont des Sybilles le tout ce que dessus on voit,
le treze de Ianuier conté de l'an 1569. Chascun fa-
ssedonques mieux de penser aux propheties & aux
gens soubs nommez, suyuant que contient la verité.
Viedra vn qui dominera sur toute l'Europe, qui tien-
dra des vieux en son conseil pour conseiller: des ieu-
nes pour executer: & entrediendra les pauures par
pitié. Parquoy il conseruera la paix en son siege, &
fut ainsi prosperera comme ont faict plusieurs les-
quels par tels moyens sont paruenus en supreme di-
gnité & hault degré. Qui se faict Par le present en
Turquie. Beata terra vbi dominium simplici-
ter procedet, obtruratis auribus calumniis. Et
quidem animauertetur in bilingues & vento-
s. Ecce ego ariolor, quòd Turca magn⁹ rex
obliciet magnam partem christiani orbis,
Iudei subiicient duas partes Turcæ. Et po-
stremo Christiani subiiciēt illos quoscunque
ante diluuium, pœnitebit eum pothac ictum
poculatoribus & mimis, atque laruatis: qui ta-
men inde non est mortuus.

Au Roy par son astrologue Salut.



Stant assis de nuiet secret estude, seul re
posé sur la selle d'arain, flambe exigue
sortant de solitude, faict proferé qu'il
n'est à croire à vain. Regia res homines
magnos agnoscere, dignos regibus &
non vlla Dei contemnere summi, Quire
gum rex est, oracula mille videntes, Mille suo nutu qu
suscitat apta loquentes, Nunc canas canis similes simi
arte refutans, Armis vt paribus nunc imparibus velut ar
mis, Per quos vulgus habet stultos prudentia vincens.
Sire ayez memoyre d'Antoyne de Leue.

*A l'astrologue du Roy de France & de la duchesse
de Sauoye, par l'astrologue du grand Turc, Salut*

Auant que vienne le changement de l'empire, il vien
dra vn cas bié merueilleux, subiugant presque le coin
aquilonaire. O docte Crespin Nostradamus, le grand
Turc mon souuerain seigneur a grād crainte & frayeur
de tes escripts que despuis dix ans les paix & guerres de
France as predict: & trop fut veritable ta voix qui me
naçoit d'une frayeur admirable quad le royaume de Cy
pre fut pris par mondict seigneur. Encores tu fus trop
vrây quand la ruine de son armee tu luy predis, l'an mil
cinq cens septante vn, par tes escripts dedans Paris. Et
pource nous tenons que tu es coeli tuba super terram.

*A tous les philosophes, Astrologues &
poetes de ce siecle.*

Lors que de ses feus vacabóds assemblez par le doux
printeps le Bellier s'esgayera dans ce moys plus beau
vne belle saison neufue eclairera, bienheureux l'espoir
que

que la grace des cieux par iceux iours a voulu reseruer, ²⁰⁰
quand le grand pasteur tout à vn ralliera pasteur & be-
tail. Lors seront les cœurs nettement esclairez d'une
saincte ardeur, verité deuolant. Et ce sera à lors quand
toutes les planetes seront coniointes au signe d'Àries.
Et en ce temps qu'on verra tous les estats estre à gré, &
justice à son degré, & vne seule saincte eglise veiller, &
les roys & princes de la terre bien conseillez, & la no-
blesse de mesure, & les impôts moderez & vn seul
Dieu adoré: alors mes propheties seront paracheuees.
Car de l'aduenir par quelque coniecture ou art certain
procedant de nature diuine est à l'homme donné de
l'eternel, despuis que l'homme est né. D'estre diuin en
ame si diuine, s'est de son estre & premier origine: puis
cest le ciel figurant en ce corps de ce bas monde ou ac-
cords ou discords: lequel prenât les iugements sinistres,
& pronostiques guidé d'un seul Dieu, pere aux hereti-
ques, il ouurira la porte en suscitant l'eglise militaire.

*A monsieur le duc d'Anjou frere
du Roy Salut.*

Hercule roy de Rome & d'Annemarc de Gaule Tro-
ien surnommé, tremble, Italie, vn de S. Marc premier
sur tous moharque renommé. Pensés en ce fait à vostre
auantage: Sapiens dominabitur astris.

*A monsieur le duc d'Alançon frere
du Roy Salut.*

Il arriuera au port de Corcibonne pres de Rauenne,
qui pillera la masque marquee au poinct marin ceux qui
machineront vn qu'au monde sur tout ruintera Flandras
par vn il seruira de corone.

A la

A la royne mere du Roy Salut.

Pleure Milan, Luques, Florence, que ton grand duc
sur le char montera, change le siege pres de Venise, c'est
au conte, lors que colonne à Rome changera, alors en
Italie vn seul prince dominera.

A la Roynie de France fille de l'Empereur Salut.

Serpens transmis dans la caige de fer, où les enfans
estains d'un roy sont pris, la republique par gens nou-
ueaux vexe: lors blancs & rouges iugeront à l'enueu.
Ex lilio & aquila dominabitur Bizantio.

A messieurs de la iustice S.

Le iuste à tort à mort lon viendra mettre publique-
ment, & du million estainct si grâde peste en ce lieu vien-
dra naistre que les iugeans fuyr serôt contraincts. le fou-
dre à vierge sera si maleficque de terre prinse & suspen-
due en l'air.

*A la duchesse de Sauoye & à monsieur le prince
son fils par son astrologue Salut.*

Dans la cité de fer fort homicide & fait bulfar ne mon-
ter. Retour encorez aux honneurs d'Artemide à Vulcan
corps mors sepulturez: paix en temps prefix endormi
soubz vne tente de vengeance, qui primus alienigena
ingreditur Italiam armatus, obtinebit fere tertiam par-
tem Italix pro se & ex lege noua liberabit.

A mes Imprimeurs de Lyon Salut.

Moult d'esprits les grans lies & trousses. de peurs tra-
bler la Romanie & Espagne, premier mourra qui en tra-
ra la préuue. couler Venise en seditio. les traistres & se-
domittes, s'il y en a point en Italie, de haut bien
dessendront promptement.

Au pen

301

Au Pontife Romain Salut.

Le Roy de Blois dans Auignon reigner vn autrefois,
des coniurez quatorze d'une secte, par le rousseau semer
les entreprises. & le S. siege sera remis au corps spirituel,
qui sera tenu pour vray siege. la terre aridee en siccité
croistra. & grand deluge sera aperceu soudain: qui sera
fait pour despit de marrâs & Juifs, qui tiennent vne loy à
la sainteté contraire.

A monsieur le baron de la garde Salut.

Dans les Isles si horrible tumulte rien n'aura qu'une
belliquebrigue, troublée l'emprise à Philippe tributaire.
Auignon & Carpentras pour les Juifs en grand trouble
sera.

A mes Imprimeurs de Paris Salut.

En nombre sexte de philosophes mesprisans hōneurs
& richesses, d'humain troupeau neuf seront mis à part,
de iugement & conseils separez.

*Aux auteurs de disputations sophistiques par
l'astrologue susnommé Salut.*

Le grain du foudre tomber d'heure dieurne, mal pré
dict, porteur postulaire, victoire incerte, trois grands
couronneront aigle, coq, lune, lion, soleil & marquera
par trois l'empire soubiugué & exalté, vindicte, paix par
fort s'acheue à l'heure. siecle approche de renouel
lon.

Au duc de Lorraine.

L'arbre, qu'auoit par long temps mort seiché, dans
une nuit viendra à reuerdir, alors Lorraine recouvrera
son pays d'un qui viendra les loys exterminer.

B

A la

*À la maison de monsieur de Guise grand
maistre de France.*

Glaives, feus eaues, puis aux nobles Romains plon-
gez, tuez, morts par cerueau debile, le deux de bresse au-
ront cōstitué Turin, Verseil, que gaulois fouleront, ains-
que la lune acheue son grand siecle, par autres veux se-
ra deshonoré.

À la maison de monsieur de mont Pensier.

Le grād bastard yssu du grain du Maine ce iour foug-
res poincte en sang entrera, de leur senat sacriste fait
boiteux faire scauoir aux ennemis l'affaire.

*À la maison de monsieur d'Enuille & de Montme-
rency & du Toret & de Meru.*

Le grand empire sera tost translaté en lieu petit qui
bien tost viendra croistre, la dame antique cherra de pla-
ce haute. De mesme secte plusieurs seront occis.

À monsieur le conte de Charny.

Au costé gauche à l'endroit de Vitry seront gueue
les rouges de France. Romains fuis o, gaule repoullee
pres du Thesin, Rubicon, pugne incerte.

À la maison de monsieur de Bourbon.

La grand peste de cité maritime ne cessera que mor-
ne soit vengée, que pour complaire aux malheureux de
Nolo, plainte d'auoir faict à son chef mocquerie.

À la maison de l'Euesque de Grenoble.

Dans peu dira brute fause fragile, mercurialistes, qui
pour la bande rouge, fasché sera de bas en haut esleu
promptement, que de son changer subit s'approche la
age, ny pour son bien, ny pour ses malefices ny edifices
ne pour

che pourra tenir nullement, se prent par prince estranger. 302

À la maison de monsieur de Nemours.

Derriere leurs flancs seront guerres cruelles, la
playe antique fera pis qu'ennemis, leur dueil trahi par
legiere folie, le sang nager par tout à la trauerse.

À monsieur le cheualier d'Engoulesme.

Regne gaulois, tu seras bien changé : En lieu estrange
est translaté l'empire. fera abbatre hors cité rigoureuse,
par effroy portes luy seront referrees.

À la maison de l'Empereur.

La grád copie qui passera les monts, Saturne en Arab
tournant du poisson à mars: les douze rouges viendront
souiller la nape. soubz meurtre se viendra perpetrer.

*À monsieur de Bellou maistre des requestes
de l'hostel du Roy.*

La mere à tours du fils ventre aura enflé, cache verdu
re des fueilles, papillon en Carcassone par disgrace pro-
pice, sera posé pour plus ample seiour.

À la maison du grand Chancelier de France.

Que peste & glaine n'a peu definer mordants le. puis
hommes du ciel frappez, punis d'edit, chassez comme
celestes, & mis à mort là où serôt trouuez, puis de nou-
veau les guerres fuscitees.

À la maison de messieurs les Flehards de Grenoble.

Du tout Marseille des habitants changee, course &
poursuite iusqu'au pres Lyon, de nuit au liét seront la
picque, nul sans arnois subit sera surpris, la langue Ara-
be en François translatee. Et quàm mox falsus nummüs
manescet & adnichilabitur.

A la maison de monsieur le prince de Condé.

Sur la mynuiet couducteur de l'armee se sauuera, son
dain esuanoui, que sera pire qu'à eux oncles ny peres va
fer, eaue, feu sanguin & humain, que n'y aura nul que
bouge des ordonnances par luy secutees, capitaines &
souldats prenez double cœur.

A monsieur le grand Admiral de France.

Le tyran Sienne occupera. Sauonne, le fort gaigné, tiè-
dra. classe marine leur grand cité d'vrlements, plains,
& cris. Castor & Pollux, ennemis dans la lice cœur haur
prendront. mer, terre, peuple son estat changera.

A la maison de monsieur le prince de Nauarre.

Bouche sanglante dans le sang nagera, au sol la face
oincte de lait & miel, feu, grand deluge plus par se-
ptres que de long siecle ne se verra refaire. Mercure au
feu les aura descouuert.

A la maison de monsieur le conte de Rex.

Au mois treziesme se leuant le soleil, sangler luy a-
pert aux champs. Mars pour combattre, secours main
viendra d'aute voille: quand à Espaignols ouurira toute
veine, qui aydera fer dans playe sanguine. apres pille-
bon aduis tard donné.

A la maison de monsieur le conte de Tende.

Le lyon ieune les vieux surmontera en champ bel-
que par singulier duelle: qui dans Aisonne Millan per-
dra la guerre, & tout son ost mis à feu & à fer. Est luy
celuy qui alors tiendra.

*A monsieur le Cheualier de Byrague Lieutenant de
monsieur le prince de Piedmond.*

D'Arras & Bruges de brodes grandes enseignes : vn 302
plus grād nombre de gascons battre à pied, sus les trois
pars sera fleurir son sceptre contre la cappe de la grand
yerarchie.

A la maison de monsieur de Carces.

Vous verrez tost & tard faire grand change, vn Empe-
reur naistra pres d'Italie, qu'à l'Empire sera vendu bien
cher, pour saouller ceux qui de faim failliront.

A la maison de monsieur de Tauannes.

Qui au Nauarrois paruiēdra, quād de Sicile & Naples
seront ioincts : mais viendra bien plus haut consentir
que tout son sang par mort sera destaire.

A la maison de monsieur le Marquis de Villars.

La republique miserable & infelice sera vastee du
nouueau magistrat. par refus ville, terre & mer entamer.
morts & captifs le tiers d'vn million.

*A la maison de monsieur de Fises secretaire des
commandemens du Roy.*

Paix, vnion sera, & changemens, estats, offices, bas
haut, & haut biē bas. la ligue neuue d'Aufone faire guer-
re, que contre eux mesmes ils se viendront bander.

A la maison de monsieur de la Trimouille.

Degens esciaues chansons, chant & requestes, captif
par princes & seigneurs, aux prisons, lors Frâce enfantē
par mort soubiuguera. le grand regent sera alors plus
contraire.

A la maison de monsieur de Ville clair.

L'vn pour bon prendra vn ambigu sinistre, la partte
laible tiendra par bon augure le cœur captif, & petites

réceptes feront retour à payer le vray dixme.

À la maison de monsieur le conte de Saur.

Rhodes, Bizance pour leur exposant pole, terre faudra
les pourfuyans de suite, corps, ame, esprit ayant toute
puissance tant sous ses pieds, comme au siege celique

À la maison de monsieur de Cental.

Dedans Turin seront ars les premiers, lors que de
duel Lyon fera transi, son aduersaire apres plusieurs ci
bats par mer chassé, au besoing faudra. Il entrera il
lain, meschât infame, tyrânisant pauillon Royné & Duc
sous la comere, que nul aux sacres ne sera asseuré.

À la maison de monsieur de Maluesiere.

Ne en ce monde par derompre l'inclination de Sen
ne au temps de duel, que le coelin monarque les con
iurez descouverts par matrone, à loy des Arabes
viendra conuertir.

À monsieur de S. Iullian president en Piedmont.

L'entechrist trois bien tost ennichilez vingt & sept
ans sang durera la guerre, auant la mort vn long temps
languira, apres la mort lon verra grand merueille.

À la maison de monsieur de Suse.

Soleil leuant vn grand feu lon verra, bruit & clairs
vers aquilon tendant pres du riuage à raser la mer
du grand solman en terre tomberont.

À la maison de monsieur de Mandelot.

Muraille antique par cauons enfrondree, par fené
sang, à mercy peu receuë, que l'aigle en brief domine
dans Millan l'eschele aux murs la cité repentie.

À la maison de monsieur de la Roche Guion

Terron

Terroir Romain qu'interpretoit augure par gent gau- 304
dise sera par trop vexee. Il volera faisant choses si hau-
es, en hyerarchie n'en fut oncq' vn pareil.

Au grand Turcq en Constantinoble.

La lune au plain de nuiët sus le haut mont, le nouveau
sophe d'un seul cerueau l'a veu. aux heretiques il ouuri-
ra la porte, en suscitant l'Eglise militaire. Dedans le rond
mortels cris lon orra par glaifue, feu, faim, mort les at-
tendans.

A monsieur Pierre Abelli gräd philosophe à paris.

Cela du reste du sang non espandu, hetrusque & Cor-
se de nuiët gorge allumee, Venise quiert secours estre
donné, Pise, Ferrare, Turin terre interdite, citez liurees
au premier cornet, Sone aupres de fleuve, de sang la ter-
re teincte, ou à milieu viendra poser son sceptre.

*A monsieur le president de Purpurat Senescbal
du Marquisat de Saluces.*

Dans le conflict le gräd qui peu valoit, à son dernier
cas merueilleux. viendront si haut esleuez enguer-
nir venger l'iniure, ennemis succombez.

A la maison de monsieur le Duc de Bauillion.

Mont alban, Nismes, Aignon, Besiers, peste, tonner
grelle tombera, qui telle loy tiendra pour ennemie,
es les grands freres morts, & dissensions.

A monsieur de Lansac.

A Rome naistra deux monstres à teste double, loing
la court sera contremandé, la grand noise naistra, qui
la clame. par lyon mise sera en extremité.

A la maison de la princesse de la Rochesurion.
Peuple

Peuple infini par la mer passera, sans eschapper
quart d'un million, tant viendra dehors grande assemblée. Tremble vienne le pais d'Autriche.

A la maison de monsieur de la Mante.

Le grand sepulchre du peuple Aquitanique s'approchera aupres de la Tousquane, aux foibles portes clair armee menee mettront feu, mort, de sang effusion.

A la maison de monsieur de Gorde.

La cité prinse par tromperie & fraude, par le moy du beau ieune attrappé au puis brises fulgures allant outre trois sur les chaines par le milieu trouffez.

A monsieur le conseiller Trossy.

Surnom de chausses par hume luy posthume: or Roy ne feut si pire en sa prouince, famine, glaive, et le secours pourueu, la Perse tourne enuahir Macedoine ferrez en caiges se verront vis à vis.

A la maison de monsieur le conte de Bryssac.

Puis grand peuple par la langue effect duira plus que nul à l'autre, aura bruiet. de terre on crie ayde, secours celiques, quand pres des meurs seront les combattans par terre & mer, secourront en toutes pars.

A la maison de monsieur de saint Chaumont.

Prince Libyque puissant en occident François d'Arbe viendra tant enflamer un nombre estrange. l'armee des coqueuleuses viendra, l'emprunt du traditeur faillir.

A la maison de monsieur de Maugiron.

Classe Gauloise par appuy de grand garde du grand Neptune & ses tridents soudain bourg & cité auront plus grand debat, Calais, Narbonne auront cœurs espirouez.

A la maison de monsieur de Bonivet.

305

Le saint Empire viendra en Germanie, la paix s'ap-
proche & guerre, d'un costé & d'autre. garde toy Roy
Gaulois de ton nepveu, par feu, peste, feu, canon peu-
ble mourra.

A monsieur de Saigny Salut.

L'Abbé mourra, quand verra ruinez ceux du naufrai-
ge, l'escueil voulant grapper, ô quelle horrible calami-
é, changemens auant que mars reuoulu quelque fois.

A la maison de monsieur de Traict Salut.

Tant de malfaiçts par moyen de grands rouges. dedās
te toire seront les coups de dards pendent qu'Adrie ver-
ra ce qu'il failloit, leur chef pendu à fil de polemars du
cune noir rempli de felonnie.

A la maison de monsieur de saint Supplice Salut.

Poignant poison & lettres au collet. le pere & fils se-
ront meurtris ensemble. le prefeçteur dedans son pail-
lon, qu'on se viendra ranger à la grand lignee.

A monsieur le chevalier de Seure Salut.

Si fort horrible que ieunes, vieux & bestes, les enne-
mis du fort bien esloignez. le grand de Bloys son amy
nera, que les Iugeants fuir seront contraints. premiers
la bresche entrez victoire aurót de la masque marquee.

A monsieur de Longue ville Salut.

Plus aux rochers qu'aux viuants viendra nuire par lā-
me aornee. d'oreilles rassasiez du sang des rouges. sera
vre assouuie. lors l'infidele dieu de faim voguera.

A monsieur le Baron de Mouellon Salut.

La dame grecque de beauté laidique captiue prinse.
C mourir

mourir mort miserable.vn Clement,Iule & Ascans recu
lez.l'espee,clef,aigle n'eurent onc si grand picque.

A la maison de monsieur de Pienné.

La grand cité d'Océan maritime enuironnee de ma
rets en chrystal, du faict antique ennobly l'inuenteur
par sectes monde confus & scismatique.

A monsieur du Perat.

Dans Pelligoux sera commis l'outraige de la gran
dame assise sur l'orchestra.occultes haines ciuiles& de
bats retarderont aux bouffons leurs follies.

A la maison de monsieur de sainte foy en Perigo

Albi & Castres feront nouuelle ligue. esleu en pape
d'esleu sera mocqué par langues estranges. seront ten
dus toutes fleues,dards,renes. terre & mer tremble
ront.

A la maison de monsieur de Cursol.

Plus macelin que toy en Angleterre, lieu obscur
par force aura l'Empire.froid, ficité,danger vers les fin
tieres,mesmes où l'oracle a prins commencement.

A monsieur de Neuers.

Le rouge blasme le masse à l'interregne.le ieune crin
ete & fraieur barbaris.le grâd chien otera du loing tous
les capris par Seline banniere.le gros traffit du grand
Lyon changé par negligence des Gaulois, sera passai
à mahumet ouuert.

A la maison de monsieur Dursé.

Des Roys & prince dresseront simulacres, augures
creus, esleuez aruspices,rubriche neufue. la grandue
coulore a vaincu,& victoire en bruine.

A mes Imprimeurs d'Angleterre.

306

Gardon, Nemaus si haut des borderont, qu'on cuidera
Deucalion renaistre, cheuaux, bœufs, hommes l'onde
mur touchera: lors le monarque d'Adrie succombé.

A la maison de monsieur de Rouueres.

Dans le milieu de la forest mayenne, sol au lyon la
foudre tombera. la pierre en l'arbre, la fiere gent réduite.
bruit humain monstre purge expiation. la vie demeure. a
raison Roy se change.

A mes Imprimeurs d'Italie.

Tous les amis qu'auront tenu party, oncq Romain
peuple ne fut tant outragé. ton sang viédra aupres de là
crascher, toy & les tiens quand dest fleurira la rose. cha-
teau, palais en conflagration, qu'en demeurera plus de
deux millions en confusion.

A Monsieur de Ioyeuse.

Le moyne noir en gris dedans varênes esleu cap. cau-
se tempeste, feu, sang. trenche l'estat des masquez & de
eux bien changé peu trouueront qu'à son rang vueille
estre.

A mes Imprimeurs d'Hongrye.

Senat de Londres mettront a mal leur Roy. Gand &
Bruxelles sacageront Enuers. par luy grand peuple sans
loy, sans loy mourra. tué par vn coup plus d'un million.
tant de mal faictz par moyen de ce grand rouge. le nou-
veau fait conduira exercite, qu'à sa reuolte fera de sang
grand cours. rai de temples le thesor par deuant l'esprit
quin fera l'ame felice voyant le verbe en son eternité.

Aux Courtisans.

La grand cité sera bien desolee des habitants vn seul
C 2 ne de

ne demeurera. In corte dinari, fauori , patienza & bona
sorte con diligenza. Pecuniæ obediunt omnia. Se tu ha-
ueffi di modestia piu che l'huomo no scia cõprender, re-
starai come vna bestia se non hai dinari a spender.

Au Coronel Stroce,

Par non flateurs seras mis en enuie. Roy des frobetrop
de foy en cuisine. la grande dame quand se verra vain-
cue fera excès de masculin couraige.

A monsieur de Forquenaux.

Captif libere faux dire & perpetrer. roys dehors estre
loing d'ennemis. tiendra sa forme estrange, suaue & hor-
rifique. par mer aux murs bien tost les ennemis.

A monsieur le president de Lauris en Prouence.

La trompe fause disimulant folie fera Bizance vn ché-
gement de loys. Mutant munera sæpe cõsilia sapientum,
& subuertunt verba iustorum.

A la maison du visconte de Cadenet.

Sept ans fera Phil. fortune prospere. rebaissera des Ara-
bes l'effect. ô quel soupir fera la grand mesme. Enfant
narbon à l'entour quel pitie.

A monsieur le Marquis de Cadilla.

Le vieux monarque deschassé de son reigne , aux
orient son premier cours ira querre. pendent le ciel
tresfort tonnera. portee noeue. roy tuera soy mesme

*A la maison de monsieur le Conterol-
leur Chastellier,*

Mars & Mercure de l'argent ioinct ensemble vers le
midy extreme ficité. le ieune prince accusé fausement
mettra en trouble le champ & en querelles,

A la

A la maison de monsieur de Falcon.

307

Nice sortie sur nom des lettres aspres. la grande cap-
pe fera present non sien. feu couleur d'or du ciel en ter-
re veu frappé du haut nay. faict cas merueilleux.

*A la maison de monsieur de Cheminade
au conté d'Avignon.*

D'un tiers plus grand l'estrange belliqueux mouton.
Lutece, Aix ne garantira. le Roy des Isles sera chassé par
force. mis à son lieu qui de Roy n'aura signe.

A monsieur Jean Geneuois à Lyon.

Le faux messaige par electiō feinte par vrben rompue,
pasche arrestee point ne admeçt les grans à deliurance.
les ennemis seront remis à propos.

A monsieur de sainte Ialle au Dauphiné.

Lors que Venus de sol sera couuert, sous la splendeur.
era forme occulté, les exilez par ire, hayne intestine fe-
ront au Roy grande coniuration.

A la maison de monsieur de Clermont.

Avec le noir repas & sanguine ire, yssu du peaultre de
inhumain Neron mahumet contraire plus. mer Adria-
que, cheuaux, & d'asnes en rongera les os.

A monsieur de Roquelaur.

Par gent estrange & de Romains loingtaine leur grād
cré apres eaue fort troublee, heureux celuy qui tost fe-
ra premier d'auoir refuge sous le noble laurier.

AVX FAUX IUIFS EXECRA-
bles & marrans, chicaneurs & reuolteurs de pro-
ces, vsuriers, faux monnoyeurs, trompeurs & f-
fronteurs aux cours du Roy, princes ou autres sei-
gneurs si aucun s'en retrouue, qui donnẽt ordinaire
cõseil de ruiner le pauvre peuple, Par l'Astrologue
du Roy & de la duchesse de Sauoye tout de shõneur.

AVx faux Iuifs & à vos semblables, comment vou-
 lez vous que lon vous honnore, ne les Turcs car
 les Chrestiens ont guerre ensemble, se sont mourir les
 vns les autres sous pretexte de diuerse chrestienne re-
 ligion. l'on vous peut asseurer que ne serez plus caresser
 du pontiphe Romain ny de ses supposits : car la comete
 que nous veismes dernièrement en la magnifique cité de
 Langres en Châpaigne, vne autre comete que nous veis-
 mes dans le palais du duc de Sauoye à Turin, vn autre
 monstre prodigieux que nous veismes sur la montaigne
 des sibilles, nous demonstre vostre ruine, ensemble de
 toutes les hypocrites & autres egarez du sentier legiti-
 me. Car nous voyõs qu'en brief vous serez executez cõ-
 me les François qui furent executez le vendredy saint
 en Sicile, quand les Espaignols tuerent par trahison tou-
 les François dans les eglises. La terre neufue sera en se-
 hauts estres. au sanguinaire les nombres raconter. pres
 maisons, champs, villes prendre à plaissance, faim, pelle
 guerre, arpan long labourable. grand meurtre humain
 d'un grãd le ven mort d'espectacles. non eschappez le
 orgueilleux. Du cœur humain exalté par orgueil les fil-
 les d'aigles puissent arracher l'œil. retournez vo' vers
 diuine grace Iuifs malheureux deuant q̃ soleil passe. C'
 vous serez deceux du pōtife Romain. Surget gēs in gētē
 & pater aduersus filiū, & fili⁹ in patrē, frater in fratē.
tandē erit confusio mundi per ignē quam primum

308

*s'ensuit la domination des planetes & signes cele-
stes aux lieux & terres soubs nommez qu'encli-
nent les parsonnes qui y habitēt en leur naturel:
composé & calculé par l'astrologue du Roy de
France & de madame la duchesse de Sauoye.*

PRemierement Saturne domine sur la droite partie de septétrion sur la terre & l'eau, sur la melancholie, & aucune fois sur la phlegme crasse, sur les oreilles, la ratelle, la vessie, l'estomach, les nerfs & les os: & signifie gens palles ou noirs, maigres, pensifs, solitaires, craintifs, refueurs, graues, contemplatifs, laboureurs, maisons, acheteurs de rentes, vsuriers, mesnagers, pescheurs, marchans d'huyles, cuirs, poissons, tuilles, pierres, alums, gens de profond sçauoir, autrement traitres en toute sorte. Et aussi Capricorne domine sur le cœur de midy sur la terre, melancholie, & à Macedoine, Indie, Brandebourg, Ancone & vne partie d'Italie, Constance, Gand, Malines en Frandres: & signifie les gens de petite stature, petite teste ronde, & la face brune, & beau nez beaux yeux, coleres & tristes, cauts, secrets, prudents, laboureurs, pasteurs, pescheurs, nautôniers, mesnagers, acheteurs de rentes. Et aussi Aquarius signe de Saturne, domine sur la partie gauche d'Occident, sur l'air & le sang, & domine en Arabie, Ethiopie, Tartarie, d'Annemarc, le Piedmont & Montferrat. Il signifie belles gens, peaux visaiges, longue la face & vn peu rongé: gens affables, sociables, auares, prudents, adônez aux actes Saturnins: autrement les meilleures gens du monde. Voila les complexions de Saturne & de ses signes.

*Secondement s'ensuit la domination de
Iupiter & de ses signes.*

Iupiter

Iupiter domine l'Occident, l'air, le sang, & les esprits
 vitaux, les poulmons, costes, foye & arteres : & signifie
 gens de bonne stature & de face pleine, chauues, cres-
 pes, blâcs avec vne plaisante rougeur entremeslee, ayas
 les yeux asses grans, les narilles asses courtes, les dents
 premieres asses grandes:gens hōnestes, gratieux benins,
 religieux, abbez, euesques, prelats, officiers, iuges, magi-
 strats. Avec copulatiō de Saturne signifie negromantiēs,
 enchanteurs, exorcisateurs : avec Mars, medecins : avec
 le soleil appaiseurs de querelles, cōtrouesfes & disputa-
 tions: avec Venus musiciens : avec Mercure mathemati-
 ciens: avec la Lune geometriens, geographes & hydro-
 graphes. Laquelle planete rend les gens benins & faci-
 les à estre desus & trompez: & son premier signe, qui est
 Sagittaire, domine sur la droite partie d'Oriēt, sur le feu,
 sur la cholere, sur la fin d'antonne, sur les cuisses & tou-
 tes parties superflues, comme vn sixiesme doit &c. & re-
 presente gens de haute & droitte stature, la face iaune
 ou roussatre, la poitrine ample, les yeux de chat: gens iu-
 stes, piroyables & ceremonieux, iuges, magistrants, pre-
 lats, beneficiēs, marchans, chasseurs. Et le dit signe do-
 mine Espaigne, Arabie l'heureuse, Portugal, Hongrie,
 Sclauonie, Volterre, Mutine, Bude, Cracouie, Narbon-
 ne, Auignon, Tolete. L'autre signe de Iupiter qui est pis-
 ces, domine sur la droite partie de Septētriō, sur l'eau-
 phlegme, aquositez & sur les pieds, sur la fin de l'hyuer
 & domine sur le pais de Lydie, Lycie Cilicie, Paphlie, Ca-
 labre, Normandie, Ratisbonne, Roüan, Compostelle: &
 signifie gēs de couleur blanche, delicats, beau front, bel-
 le poitrine, belle barbe, les yeux ouuerts & asses gran-
 asies maladifs, pescheurs & nauigateurs: & reseruant le
 Normandie, encline toutes autres gens en la dite cōple-
 xion pource que Mercure domine à la dite prouince.

Tiercemen

309

*Tiercement s'ensuit la domination de Mars
& de ses signes.*

Mars domine le midy, & le feu les humeurs cholériques, les reins, le foye, les narilles, le fiel & les gèneritoires, le païs des Sarmates, Getulie, Lombardie, & de cote gens rouges de visaige, le poil roux, la face ronde, les yeux iaunes, horrible regard, gens furieux, cruels, hazardeux, superbes, sedicieux, soldats, capitaines, forserons, charboniers, boulangers, alqui miste, armuriers, purniers, bouchers, chirurgiés, barbiers, sergents, bourreaux, selon qu'il sera bien ou mal disposé. Auec Saturne communement signifie chirurgiens: auec Iupiter medecins & physiciens: auec le soleil medecins oculistes: auec Venus barbiers & tondeurs: auec Mercure gens industriels à faire phlebotomies: auec la Lune arracheurs de dents & barbouilleurs des oreilles. Et son premier signe est Aries, qui domine sur le cœur d'Orient, sur le feu, sur les humeurs cholériques & adustes, sur le commencement du printemps, sur la teste, le nez, la face, les oreilles & les yeux: & domine Bretaigne, Allemaigne, Idumee, Iudee Angleterre, Naples, Florence, Fauence, Imole, Capue, Ferrare, Vicéce, Verone, Paue, Cracouie, Marseille, Sarragosse. Et signifie gens maigres, roux, canus, choleres, robustes & adroits, gens de guerre, capitaines, souldars, alquimistes & autres martialistes qui sont de la nature de Mars. Son second signe est Scorpio, qui domine sur la partie gauche de Septétrio, sur l'eau, sur les humeurs phlegmatiques & aquositez, & sur les parties dediees à generation, & sur le païs de Capadoce, terre de Mores, Catalogne, Bauieres, Trapezonce, Saxe, Padue, Vrbis, Brixie, Valence en Espagne, Vienne en Dauphiné. Et signifie gens assez difformes, la poitrine large, la teste mal faicte, grans parleurs, moqueurs, mé-
D teurs,

teurs gourmans, voluptueux, traistres, espies, empoisonneurs: autrement la millieur gent du monde.

Quartement s'ensuit la domination du Soleil, & de son signe.

LE soleil domine sur l'Orient & midy sur le feu, sur le sang pur, & sur les esprits vitaux, sur les yeux, sur le cerueau, sur le cœur & sur le pais d'une partie d'Italie, Sicile, Boheme: & signifie gens saiges, prudents, discrets, cupides de gloire & d'honneur, de mediocre ou petite stature, couleur brune, grande barbe, les yeux jaunes, la face marquee, grosse voix & asses mal plaisante, gens honorables, officiers, magistrats, seigneurs, princes, Rois & gouverneurs des pais, & grans chasseurs: avec Saturne denote rentiers, principaux metaiers & laboureurs honorables: avec Jupiter beneficiez, prieurs abbez & prelates, ou iuges & officiers de iustice: avec Mars capitaines & conducteurs de guerre: avec Venus gouverneurs des biens des princesses, & officiers d'icelles: avec Mercure conseillers, secretaires, chancelliers avec la Lune legats, embassadeurs & messagers honorables. Son signe est Lea, qui domine sur la partie gauche d'Orient, sur le feu, sur la cholere, sur le cœur, estomach, foye, dos, & domine la Grece, Achaye, Crete, Mesopotamie, Assirie, Cilicie, Athenes, Rhodes, Alexandrie Hierusalem, Corinthe, Tarente, Beneuente, Ferrare, Pavie, Basle, Paris, Lyon, Tholose: & signifie belles gens droicts, le nez large & petit, grandes oreilles, vn per estrangé regard, la face brune, le corps rougeastre, chastes, magnanimes, princes, officiers, magistrats, gouverneurs, Roys. Reservant l'Italie, là ou Capricorne domine, qui luy oste vn peu de sa benignité.

Cinque

Cinquiement s'ensuit la domination de Venus & de ses signes. 310

Venus domine sur la droicte partie d'Oriét, sur l'air & l'eau, sur la mixtion de phlegme, sang, esprits & semence de generation, sur les reins, ventre, nombril, foye, dos & autres parties dedies à generation : & sur le pais d'Arabie, Austrie, Suisses : & signifie gens blancs ou bruns avec quelque rougeur entremeslee, belle face, plaissant regard, le nez aquilin, les cheneux pleins, ioyeux, liberauls, rians, plaissants, danseurs, entreteneurs de dames, ioueurs, parfumeurs, musiciens, messagers d'amours : avec Saturne signifie prebstres & autres qui charent & assistent ioyeusement aux sepulcres & morts : Avec Jupiter musiciens & autres qui chantent les louanges de Dieu en hymnes solennels : avec Mars trompetes & tambourins de guerre : avec Mercure chanteurs de rythmes & poësies : avec la Lune chanteurs de vulgaires chasons. Son premier signe est Taurus, qui domine sur la partie gauche de midy sur la terre, sur les humeurs melancholiques, sur le milieu du printemps, sur les machoueres & col, & sur les pais maritimes d'Asie la moindre, Cypre, Mede, Perse, Campanie, Lorraine, Boulogne, Sene, Salerne : & signifie petites gës charnus, grosses espauls, grands yeux, le ventre l'arge, gens laboureurs, liberaux, veritables, voluptueux, messagers d'amours, danseurs, ioueurs. Le second signe de Venus c'est Libra, qui domine sur le cœur d'Occident, sur l'air, sur le sang, sur le commencement d'autonne, sur le Rin, & sur le pais de Bactriane & Caspie, Thebes, Trogloditique Ethiopie, Tuscie, Austrie, Sauoye, Dauphiné, Gaïete, Plaisance, Argentô, Vienne d'Austrie, Francfort, Spire, Auguste, Arles, Lisbonne : & denote gens simples, honnorables, belle face avecques blancheur de tout le corps, les yeux vn peu

troubles ou galez, ioueurs, danseurs, musiciens, chafseurs, iuges.

Sixiement s'ensuit la domination de Mercure & de ses signes.

Mercure domine sur l'eau & la terre, sur les esprits animaux & sur la confusion des humeurs, sur les mains, pieds, bras, nerfs, langue, bouche, dents, & sur le pais d'Aegypte, Grece, Angleterre, Flandres, Paris: & signifie gens ny blancs ny noirs, maigres & de petite stature, & longs doigts & face loque, le front esleue, le nez long & longuet, peu de barbe, les cheveux pleins, les yeux petits, & hastifs. gens sutils, ingenieux, inconstants, rimeurs, poetes, aduocats, orateurs, philosophes, diuineurs, arithmeticiens, marchans & negociateurs: & avec Saturne, geometriens & architectes: & avec Iupiter, legistes, canonistes, & ceux qui gardent les registres & benefices des eglises & proces: & avec Mars, sergents de bande, archers de garde &c. avec le soleil maistres d'hôtels de princes & grand seigneurs, & leurs secretaires & despensiers: avec Venus musiciens, apoticares, parfumeurs: avec la Lune, voyageurs, messagers & trafiqueurs. Son premier signe c'est Gemini, qui domine sur la partie droite d'Occident, sur l'air, sur le sang, sur la fin du printemps, sur les espaules, bras, mains, & sur le pais d'Hyrcanie, Armenie, Mantiane, Cyrenaique, Marmarique, Egypte: & signifie gens de mediocre stature belle face, beau corps, abondans en poil, petis yeux, gens laborieux, subtils, ingenieux, prudets, dociles, fraudules, arithmeticiens, geometriens, astrologues, orateurs, poetes, aduocats, diuineurs, negociateurs. Le second signe de Mercure c'est Virgo, qui domine sur la partie droite de midy, sur la terre, sur la melancholie, sur les boyaux,
ventre

ventre & diaphragme, & sur le païs d'Achaye, Crete, Me 311
 sopotamie, Assirie, Cilicie, Athenes, Rhodes, Alexâdrie,
 Hierusalem, Corinthe, Tarête, Beneuête, Ferrare, Basle,
 Paue, Paris, Lyon; Tholoz: & signifie gens de mediocre
 grâdeur, le corps droit, belle face, bônevoix, les cheueux
 crespes, petits yeux, prudets, dociles, ingenieux, cupides
 de gloire & d'honneur, escriuains, arithmeticiens, geo-
 metriés, batelleurs: autremét la meilleur gent du mode.

*Septiemement s'ensuit la domination de
 la Lune ☾ de son signe.*

LA Lune domine sur la droicte partie d'Occident, sur
 l'eauë & sur la phlegme, sur les fleurs menstrees &
 semblables superfluitez, sur l'estomach, le ventre, le cer-
 ueau, le poulmon, les mammelles & les yeux, & sur le
 païs de Flandres & Afrique: & représente gens de belle
 stature, blancs, à la face ronde & maculée, les yeux vn
 peu noirs & assez eminens, la barbe longue & les four-
 cils ioincts, gens amiables, pacifiques, modestes, voya-
 geurs, peregrinateurs, chasseurs, embassades, legats, con-
 suls, syndics, assesseurs, gouuerneurs de ville, principale-
 mét en faicts de police. Auëc Saturne signifie charteriers
 & viles negociateurs. Auëc Iupiter geometriens & geo-
 graphes. Auëc Mars artacheurs de dents, alchimistes &
 soufleurs. Auëc le soleil, messagers honorables: Auëc
 Venus paquetiers. Auëc Mercure, poëtes, rimeurs, messa-
 gers, voyageurs, traffiqueurs: & son signe qui est Cácer,
 qui domine sur le cœur de septentrion, sur l'eauë, sur
 les humeurs crues & phlegmatiques, sur la poitrine, les
 costez & poulmon, sur les mammelles & l'estomach: &
 represente gens amiables, pacifiques modestes, blancs,
 la face remplie, le nez longuet, larges espaules, peu de
 barbe, & vn peu paresseux & inconstans & pusillani-

mes, nauigateurs , peregrinateurs , consuls , findiez & gouuerneurs de republicques. Et domine, au pais de Bithinie, Phrygie , Carthage , Escosse , & le Royaume de Grenade, la conté de Bourgongne , Brusie, Hollande & Zelande, Cōstantinoble. Et voila messieurs les lecteurs, cela s'entend ceux qui dominant desoubs le lys & sous l'aigle & lyon. Et pour donner entredre aux voyagers tant ieunes que vieux, pour sçauoir quel rencontre trouueront aux dicts pais susnommez , pour se garder d'ignorance & de murmuración , qui pourroirestre contre Charles neuieme, Roy de Frâce, & madame Marguerite de France, ducessé de Sauoye & de Berry, de m'a uoir fustigné pour leur astrologue ordinaire , de cacher ce que nous voyons estre bon & vtile à vn chacun : & qui ne soit poinct murmure contre mōdit seigneur, de renir astrologues flatteurs, comme au present on murmure cōtre le pape de tenir les faux Iuifs execrables en si grād honneur , dans ses terres & domination : En toute humilité ie prie la puissance diuine qui vueille illuminer le pontife Romain, à remedier en ce faict & autres qu'auons reserué les communiquer à la maiesté de mon Roy & autres seigneurs qu'appartient de ce faire. Autrement tenebres sur terre par la reuolte du peuple Chrestien iusques que les infideles se meslerōt de ce faict. Qui s'armera, & se doubtera, se garde : Car ce que nous disons contient verité.

F I N.